



Hardangerrådet iks



Hardanger

Til
Hordaland fylkeskommune
hfk@hfk.no

Særutskrift:

Melding om vedtak gjort i Hardangerrådet 11.12.2014

HR-SAK 54/14 Uttale til Tannhelse Klinikkstrukturplan i Hordaland

John Opdal føreslo:
Tannhelseklinikken i Odda vert styrka med 1 stilling.

Vedtak:

Hardangerrådet iks er regionråd for dei 7 kommunane Eidfjord, Granvin, Jondal, Kvam, Odda, Ullensvang og Ulvik og gjev slik høyringsuttale til Tannhelsetenesta i Hordaland Klinikkplan 2015-2030:

«Hardanger har tettstader, bygder og grender som gjev regionen særpreg og skapar grunnlag for nasjonal verdiskaping innan reiseliv, landbruk, industri, oppdrett og kulturlandskap.

Hardanger sine kommunesenter har hatt naturleg lokalisering av tannhelseklinikkar med gode tilbod til innbyggjarane. Tannhelse Klinikkstrukturplanen som er på høyring legg ned nye 3 av desse klinikkane og sentraliserer tilbodet. Dette medfører at innbyggjarar i 5 av 7 Hardangerkommunar ikkje vil ha tannhelseklinikkk. Planen slår også fast at Hordaland Fylkeskommune ikkje vil dekkja reisekostnadane dette medfører.

Hardangerrådet iks er positiv til at Hordaland Fylkeskommune styrkjer dei 3 sentrale solide Tannhelseklinikkar i Norheimsund, Odda og Voss, med eit fagleg godt, heilskapleg og stabilt tilbod til pasientane. Tannhelseklinikken i Odda vert styrka med 1 stilling.


Hardangerrådet iks krev at det vert uteklinikkar i tettstadene Eidfjord, Ulvik, Granvin, Jondal og Lofthus med ambulerande tenester frå personalet ved sentralklinikkane.

- Reisetida og kostnadane er urimelege for prioriterte pasientgrupper som barn og unge og pensjonistar. Det er mykje rimelegare at få tilsette reiser til uteklinikken enn at mange pasientar må til sentralklinikken.
- Med offentleg transport vil heile skuledagar og arbeidsdagar gå med til eit tannlegebesøk. Dette gir tapt undervisningstid og tapt arbeidsinntekt.
- For dei minste barna vil foreldra måtta ta fri inntil 3 timar for å køyra og/eller følgja til tannlegebesøk.
- For dei eldste pasientane vil pårørande måtta ta fri inntil 3 timar for å køyra/følgja til tannlegebesøk.

Hardangerrådet iks forventar at Fylkeskommune set opp eit samfunnsrekneskap for innsparingen og kostnadane ved den føreslegne klinikkstrukturen. Fylkeskommunen sparar pengar men kommunane og private får auka kostnader, samt at det tap av undervisningstid og arbeidsproduksjon i samfunnet.

Kinsarvik 15.12.2014

Med fruktbar helsing Hardangerrådet


Leiv Vambheim
Dagleg leiar